0.0.1 pabbajjā suttam

0. sāvatthi

1. tasmātiha bhikkhave evam sikkhitabbam: yathā pabbajjā paricitanca no cittam bhavissati na vuppannā pāpakā akusalā dhammā cittam pariyādāya thassanti.

aniccasaññā paricitañca no cittam bhavissati

anattasaññā paricitañca no cittam bhavissati

asubhasaññā paricitañca no cittaṃ bhavissati

ādīnavasaññā paricitañca no cittaṃ bhavissati

lokassa samañca visamañca ñatvā taṃ saññā paricitañca no cittaṃ bhavissati lokassa sambhavañca vibhavañca ñatvā taṃ saññā paricitañca no cittaṃ bhavissati lokassa samudayañca atthaṅgamañca ñatvā

tam saññā paricitañca no cittam bhavissati

pahānasaññā paricitañca no cittaṃ bhavissati

virāgasaññā paricitañca no cittaṃ bhavissati

nirodhasaññā paricitañca no cittaṃ bhavissatīti 2. evam hi vo sikkhitabbam. yato kho bhikkhave bhikkhuno yathā pabbajjā paricitanca cittam hoti, na vuppannā pāpakā akusalā dhammā cittam pariyādāya tiţthanti.

aniccasaññā paricitañca cittam hoti anattasaññā paricitañca cittam hoti asubhasaññā paricitañca cittam hoti ādīnavasaññā paricitañca cittam hoti

lokassa samañca visamañca ñatvā taṃ saññā paricitañca cittaṃ hoti lokassa sambhavañca vibhavañca ñatvā taṃ saññā paricitañca cittaṃ hoti lokassa samudayañca atthaṅgamañca ñatvā

tam saññā paricitañca cittam hoti

pahānasaññā paricitañca cittam hoti virāgasaññā paricitañca cittam hoti nirodhasaññā paricitañca cittam hoti

3. tassa dvinnam phalānam aññataram phalam pāṭikaṅkham: diṭṭheva dhamme aññā, sati vā upādisese anāgāmitāti.